



Inatsisartunut ilaasortaq
Peter Olsen
Inuit Ataqatigiit

§ 37 naapertorlugu cannabisip uuliaa pillugu apeqqummut akissut

Asasara Peter Olsen,

Naalakkersuisut apeqqutit, ataani akineqartut, nassiunneqartut pillugit qujapput.

Apeqqut 1:

Kræftemik nappaateqartut katsorsartissinnaajunnaarsimasullu cannabisip uuliaanik pissarniarterat ajornakkusoortoq paasitinnejarpugut. Ajornartorsiut tamanna sumik peqquteqarpa? Naalakkersuisut aaqqiiviginiarlugu qanoq piler-saaruteqarpat?

02-07-2019
Suliat nr. 2019 - 15115
All. nr. 11057576

Postboks 1160
Oqarasuaat: 34 50 00
Fax: 34 55 05
3900 Nuuk
Email:pn@nanoq.gl
www.naalakkersuisut.gl

Akissut:

Cannabis aangajaarniutaavoq, tamannalu pillugu inatsisit ataanniilluni. Cannabis-ip nakorsaataasup akui pissutigalugit nakorsamit innersuussutigineqartariaqartutut isigineqarpoq, taamaattumik nakorsaatitut pisiassaanngilaq.

Nakorsaatit nakorsamit innersuussutigineqartariaqartunut allanut tunngatillugu aatsaat misissueqqaarnikkut aamma napparsimasumut katsorsaariaatsip sorliup pitsaanerpaa-neranik naleqqunnerpaaneranillu nalilersueqqaarnikkut cannabis nakorsaataasooq, tassunga ilanngullugu cannabisip uuliaa, nakorsamit innersuussutigineqarsinnaavoq.

Nakorsaatip cannabisip sunniutigisartagaanut uppernarsaatinik ilisimatusarnikkut paasi-sanik tutsuiginartunik tunngavissanik peqartoqanngilaq. Peqqissutimut Naalakkersuisoqarfiup peqqinnissaqarfiullu ineriertorneq aamma ilaatigut Danmarkimi Sundhedsstyrelse-mit Rigshospitalemillu peqqissutsikkut sullissinermi kaammattuutit malinnaavigaat.

Tamatuma saniatigut ilisimatitsissutigineqarsinnaavoq cannabis aangajaarniutit, maani nunatsinni pigineqaqqusaanngitsunut, allattorsimaffimmut ilanngunneqarsimamat. Cannabisip uuliaa taamaallaat naasup hampep (hampep naatsiliassartaata) inerititaanit aamma hampep ipaanit piiarneqarsimasoq immikkoortiterluakkat, tetrahydrocannabinol-imik (THC-mik) akeqanngitsut, inerteqqutaanngillat.

Naalakkersuisut susassaqarfimmi ineriertorneq, tassunga ilanngullugu inatsisit peqqis-sutsikkullu sullissinermi nalilersuinerit, malinnaavigaat.

Apeqqut 2:

Nappaateqartunut anniaateqartunullu cannabis-imik atuinissamik kissaateqartu-nut akuersissuteqartarnissamut aporfiusartut suuppat?

Akissut:

Apeqqumut 1-imut akissut takuuk.
Massakkuugallartoq cannabis nakorsaataasoq atorlugu katsorsaanerup sunniutaanut naammaginartunik, nakorsap innersuussisarnissaanut tunngaviusunik allannguisitsis-innaasunik, uppernarsaateqanngilaq. Kalaallit Nunaanni Peqqinnissaqarfimmi nakorsap nalilersuereerneratigut nakorsaatissamik innersuussisoqartarpoq.

Apeqqut 3:

Cannabis-ip pisariaqartitsivissunut ajornannginnerusumik atorneqarsinnaalissappat suliassaq qanoq ingerlanneqartariaqarpa?

Akissut:

Cannabis aanngajaarniutaavoq, inatsisillu naapertorlugit nunatsinni pigineqaqqusaani. Cannabisimik nakorsaataasumik kikkut immikkut akuerisaallutik atueqqusaanersut nakorsamit nalilerneqartussaavoq.

Apeqqummut 1-imut 2-mullu akissutinut ilanngullugu ilisimatsitsissutigineqarsinnaavoq Naalakkersuisut aamma Kalaallit Nunaanni Peqqinnissaqarfiup napparsimasunik katsorsaanermut cannabisip nakorsaataasup ukiuni sisamani misiliutigineqarnerani ineriarneq malinnaavigimmassuk. Misiliineq tamanna Danmarkimi 2018-imi januaarip aallaquaataanni aallartippoq 2021-imilu decembarip 31-ata tungaanut ingerlassalluni.

Apeqqut 4:

Nunatsinni kikkuniilluunniit pissarsiarineqarsinnaallunilu pisiarineqarsinnaava:

A: Naamiuppat: Tamanna sumik peqquteqarpa?

Akissut:

Apeqqummut 1-imut, 2-mut aamma 3-mut akissutit takukkit.

Apeqqut 5:

Cannabisip nakorsaataasup kikkunnilluunniit ajornannginnerusumik pisariinnerusumillu pissarsiarineqarsinnaalernissaa pillugu Naalakkersuisut qanoq pilersaaruteqarpat? Assersuutigalugu nammineq akiliilluni pissarsiarineqarsinnaanerata ajornannginnerulersinneqarnissaanik ammanerulersinneqarnissaanillu Naalakkersuisut pilersaaruteqarpat?

Akissut:

Apeqqummut 1-imut, 2-mut aamma 3-mut akissutit takukkit.

Annerpaamik 0,2 %-imik THC-mik akullit eqqunneqarsinnaanissaannut periarfissat pillugit Naalakkersuisut oqartussaasunik susassaqartunik oqaloqateqarput, tamanna akuerineqarpat cannabisip uliai aanngajaarniutip sinnikuinik annikitsumik akullit inerteqqutajunnaassapput. Danmark siorna akussat killissaannut tassunga assingusumik akuersisuteqarpoq.

Apeqqut 6.

Naalakkersuinikkut iliuusissat suut nunatsinni pisariaqartinneqarpat cannabisip katsorsaanermi peqqissaanermilu iluaqtutiginerata annertusarnissaa anguneqassappat ajornannginnerusumillu pissarsiarineqarsinnaalissappat?

Akissut:

Napparsimasut nakorsaatnik sunik pisariaqartitsinersut nakorsamit nalilerneqassaaq.
Aamma apeqqummut 1-imut, 2-mut aamma 3-mut akissutit takukkit.

Inussiarnersumik inuulluaqqusillunga
Med venlig hilsen


Martha Abelsen